

天香樓叢書

蕃史

五

2
16

卷之八

東泉園書				
二	七	二		
册	架	函	屬	類

東周
國
館

蕃史凡例

- 一 外蕃之事散見諸書未有統載者無以考其沿革之大勢也余恒病之涉獵西史隨見隨錄逐年使人可以窺一斑
- 二 西史全書無傳于我故其世統之詳不可得聞也今姑分爲三統曰太古曰新世界曰革命自革命以來至今日紀元未變則宜止于此未知西人之說爲如何
- 一 自我執筆宜揭我年號以記之唯彼太古皆有

紀年而我神世杳邈無可推其年曆起筆甚難故今彼紀年而我年可考者注諸其下

一宇內帝國必皆有年則不可獨以歐羅巴紀之然歐羅巴之外皆與我隔絕無由推考且所謂帝國者我及漢土固勿論已其他以邏馬爲最古而莫卧兒都兒格皆在其後故姑揭歐羅巴年號而附書其餘

一歐羅巴帝國相承至黃祁爲正統擡頭圈出表之教祖雖非有國之主以紀年所起故同圈都爾

格路亞皆係歐羅巴支統若莫卧兒國體自別今皆圈出不須擡頭其他僞譖稱帝旋就敗滅不圈一帝書殂王侯書卒待外蕃之道宜爾

一西洋襲稱古人名者居多蓋以世數分之今無世數者混合如一皆原文闕略無所考也

一諸書紀事有彼此抵牾者蓋譯文傳寫遂致謬誤如此今學讀洋文以正之未暇也

嘉永辛亥孟春

茫洋子 識

齋藤子德略傳

先生名馨字子德齋藤氏號竹堂陸前遠田郡涌谷村人仕於故仙臺藩臣伊達安藝天保年間學於昌平費舍爲舍長嘉永五年罹病死年僅三十八所著阿片始末蕃史藩祖實錄讀史贅議等不遑枚舉一時碩學咸推之如此篇方幕府鎖港未接西人洋文又未開之時考索其事情旁稽曲證既能得之概略其精苦可想矣今雖既後於時而特表出之以告諸後世

竹中邦香識

蕃史上

太古

亞當天地剖判始有男女曰亞當曰厄韃居於波羅
第私號曰厄典時風氣融和人無疾病有四河所
謂安日河知幾里斯河印度河歐法臘得河是也
皆多魚河上多樹可憇息又多梁穀可食鳥獸同
群亦不害人亞當志漸驕不循天教地氣迺變五
穀不生鳥獸害人於是乎男耕稼女乳育衣食之

業始出

論曰亞人之說云天地不能自成必有生之者謂之造物主天地既成然後生亞當厄韞戒使勿食菓二人不從遂受無疆之罰造物主憫之誓自生人間代贖其罪後三千餘年教祖生於如德亞就磔死卽是也白石氏駁之曰未有天地安復有造物主造物主果生天地不知誰爲造物主亞當之犯天戒亦曰食果而已其罪乃閱三千餘年而未盡滅犯何微罪何重且戒之

者造物主也苟憫之卽赦之可也何必自代贖之是其說之謬張荒誕雖三尺之童子且知其無足據信者也其論至矣余則謂彼之初有此說不必如是之妄也儒者之不曰乎未有天地先有其理君臣未始有也而先有所以爲君臣之理矣父子未始有也先有所以爲父子之理矣因理而循之謂之教彼所謂造物主者母乃謂此理耶後人遂以爲造物主者儼然別自有入而立於天地之初於是乎或遺君父而奉造

物主將陷不孝不忠之域而不顧也。毫釐之差千里之謬。其亦至于此歟。西洋唱究理而其所究止於氣數之末。故至其說道理則遂出童子之所斥笑而不自悟也。

加印亞當子也。亞當多子。長曰加印。次曰巴亞。百爾。加印繼立。大施政化。始有城邑。人皆眉壽。至保數百歲。貯金銀銅鐵。加印之後。分爲四世。以四金配之也。器械百物。於是乎成矣。自亞當一千六百年。五十年。是爲太古世界。至裔孫食爾的伊德。有洪

水之變

新世界

諾厄羅墨吉斯子也。聖能如神。豫知有洪水。造一大匣狀如船。四周堅緻。可容數人。名曰阿爾孤。天果雨連四旬不已。全地皆水。白浪如山。諾厄與家屬携器財書籍藏匣中。隨波蕩漾。至亞爾墨泥亞國。答路斯山而止。天適霽。出匣登山。採菓實食之。遂焚香供葡萄酒祭天。於是草木禽獸又太蕃殖。是爲第二世界。又曰新世界。洪水爲害。凡百五十餘

日實在二千六百五十七年當皇國麟草不諾厄有三子長曰雅別多次曰設摸三曰暹摸皆有聖德各為西洋諸國之祖

罷鼻落爾亞太祖泥摸路多諾厄孫也初暹摸以洪水年生於契泥斯一千六百八十二年開拓阿斯西里亞諸地王之至泥摸路多威德益張臣服西
洋諸部遂稱帝於罷鼻落爾亞是為西洋大君之
始在位六十三年泥奴斯以泥摸路多為太子
繼立數年殂后瑟彌粹未斯繼立與印度黑人諸

國戰大克拓土數十里築城於罷鼻爾名巴必鸞
城周迴九十六里美石成牆經三丈二尺高十餘
丈間設二百五十餘臺皆高二十餘丈導知幾里
斯歐法臘得二河為渟可容巨艦城樓上有苑囿
山水號為世界七奇之一

論曰所謂世界七奇者巴必鸞城居其首焉其
他則銅像廡墓之壯宏侈麗而駭觀聽者也其
隨工皆費巨萬人力而浚膏塗血之所成也國
不可無城然又曷用此巍々者焉况銅人之巨

瑩冢之奇異不免爲無用玩好之設可見其人
情之溺於奇技淫巧者其來既尚矣若秦始皇
之長城萬里則其大駕七奇之上而其捍衛內
地萬世有依者亦與彼不同是可謂之絕奇矣
今七奇者奇而近於兒戲者也

一千九百四十九年瑣奪馬國風日敝皆溺男色
天雨火人物蕩燼賢人落得獨得免 二千四百
四十年如德亞人美瑟入阨日多施教化國人忌
而害之美瑟避難至西紅海水涸既渡及追騎至

輒海水大湧一時皆溺美瑟又至亞臘比亞甘露
適降人以爲天感所致美瑟制禮儀作經史傳爲
後世標準 二千九百八十年如德亞王撒刺滿
欲賑國用大制海舶裊載貨物發西紅海至印度
阿比爾國互市得利巨萬凡航海以百兒西亞爲
嚆矢而記載不詳爾來互市之盛莫若撒刺滿至
於宮殿樓閣皆飾以金玉經費三十萬富冠西洋
三千七十三年帝撒兒達那拔略斯淫荒怠政
國大亂別都亦羅燹疆宇分裂遂爲罷鼻落爾默

丁十二國帝乃自憤欲恢復之征如德亞入國都
夜有天神揮劍下擊帝軍死者十八萬六千餘人
自此國勢益弛三千八十年如德亞屬國的乙
魯斯女主第突有才略航地中海攻奪甘的亞遂
至利未亞都厄素獻貨國首請假地如牛皮乃製
皮狹長數里奪地築城以為根據更併近旁又航
亞大臘海倍通商諸方以富其國三千百九十
年邏謨略私殺弟列密略私始拓疆土號邏馬初
二子猶幼父母遭難弃之於地百里河二子浮而

不沈有牧羊者收而養之長有英才遂成邏馬基
業邏謨又欲與近境結婚莫之許陽為祭事誘致
撒罷念人拘其女而逐其男撒罷念王怒來攻邏
謨破之併為撒罷王後漸驕侈為部下所殺三千
千二百二十五年奴瑪盆比利烏私為邏馬王有
仁德民庶懷之改革制度三千二百六十九年
邏馬王圖爾略私起兵入亞臘比亞斬其三將初
亞爾法念降邏馬無幾復叛圖爾擊破之徙其人
於邏馬三千四百六年邏馬亂設爾彪私主為

九十七下恐脫
餘年二字

土人所殺答爾圭鈕斯立暴虐國民皆叛三千
四百三十年邏馬世子設吉斯徒私逼於古爾羅
低奴私妻魯觚列低亞而姦之魯觚列自以為恥
伏劍而死其族弗律俞圖私拔其劍揮血誓曰吾
必逐邏馬王矣於是廢王古爾羅弗律俞二人共
和為政帝那網涅低為百兒西亞所殺自泥摸
路多王十一世閱一千六百九十
百兒西亞太祖瑟伊略私出自如德亞阿伊爾都波
亞多兒初諾厄子設摸生瑟略古瑟略古生那波

爾那波爾生泥羅古即波亞多兒之父也其後散
在諸州逐王百兒西亞舊屬默丁至加慕別伊瑟
私娶禮祭亞王女生瑟伊略私天資英傑善用兵
平禮祭亞亂降小亞細亞奪默丁與罷鼻落爾戰
數年連克略地至圭印得私河淺深不測欲渡無
舟瑟伊略私驅白馬納之河而尾之乃得濟環攻
巴必鸞城閱數日有內應者啓門邀兵遂擒殺罷
鼻落爾帝代為西洋第二大君益務征略滅帝曷
爾伯祈瑟伊里亞如德亞諸國瑟伊里亞舊臣怨

之潛兵來襲百兒西亞大潰帝殂於軍中在位十
八年加募別伊瑟私以瑟伊略私子繼立無道
與阼入多王阿摩西私有隙興兵伐之陷國都孟
斐斯城阿摩西私既死乃發冢鞭其屍焚以爲灰
併擒殺太子遂奪其國初泥摸路多次子阿由圭
拂土私受封於亞臘比亞遂征近旁諸國創阼入
多王業土地豐饒物產極繁稱一名國至此而亡
帝益進兵攻利未亞諸國至沙阿羅沙海恠風揚
沙不可行兵多渴死乃歸帝日驕虐生埋王侯十

四人或驅獸食人又自射入于樹上遂爲人所殺
狀甚恠異世稱爲天誅在位七年無子勲舊至戚
亦皆殺戮無度嘗欲殺弟私墨爾得斯亡去不知
所在及帝殂始至人以其爲真立之淫暴更甚略先
后以爲妾后熟視知其非真告諸大臣襲殺之
答里烏斯瑟伊略私太祖之女壻也國人會議立
之有賢才闔國悅服嘗興八十餘萬兵大征歐羅
巴諸州皆降之既老傳位於太子瑟爾瑟私三
千六百二十年當孝安天皇
六十五年帝烏斯卧土漏奴斯

為厄勒祭亞所殺自太祖十世閱二百十餘年而

七

厄勒祭亞太祖歷山王起於馬則多泥亞始祖媯刺

奴斯始闢其地世襲至非利彪斯以三千百九十

四年生歷山以賢人亞里斯多為之傅輔導備至

年十八征亞的阨念先登陷敵士眾繼之大捷所

獲財寶盡散與將士或嘲其無庫藏歷山曰苟能

得士心是吾一大府取年二十彪斯卒歷山繼立

與陀蘭亞普刺奇翁入爾馬泥亞諸國戰破之百

兒西亞帝滿奴斯見其強大欲制之使步卒十餘

萬騎士萬餘來攻歷山拒戰兵甚寡皆危之歷山

親冒矢石進曰吾與將士同死耳不欲獨生存也

聞者感激死鬪遂得勝斬二萬餘級列印尹盤白

伊利噎及骨列伊細亞來降初邏馬羅甸諸國交

兵數年歷山和解之於是滿奴斯大舉來攻歷山

拒之答球斯山敵恃眾不備我襲其不意大破之

殺獲十二萬人滿奴僅以身免進入別都獲寶器

無算既入小亞細亞併嘉略亞葛八多西亞那多

里亞、馬西亞、厄弗俗諸國，略地中海，破西利牙，滅
的乙魯斯，降弗厄祭亞，於是如德亞及諸僧官來
貢，地方廓大，以歐法臘得河與百兒西亞爲界，滿
奴斯愈憤之，遂招集韃靼，是的亞諸道兵，得步卒
八千餘萬，騎士二千餘萬，來戰於歐法臘得河，我
潛兵出其後，襲衝中堅，斬首九萬餘級，遺尸山積，
我將花兒瑪泥阿追北而進，搶刺滿奴斯斃之，次
年攻百兒西亞國都，闔國皆服，卽皇帝位，又東征
拔撒里亞，大張射獵，獲獅子、虎、豹，無萬數，南轉向

利未亞平阨入多，大築城壘，壯麗冠世，所謂歷山
德兒城是也，進至黑人國，又轉征印度，至安日河，
泛大艦數萬，航海經百兒西亞海，入巴必鸞，稱爲
千古壯觀，帝洪業旣成，傲然自大，喜怒不時，屢誅
戮將士，嘗在百兒設府，大醉從婦，言縱火焚城，蕩
然焦土，醒初悔，旣歸巴必鸞，猶有遠征志，適被酒
死，弟亞里的私立

論曰：吾嘗怪雄才大略之士，西駕於東，前軼於
後，而若歷山，則其尤者也。東之英雄，若秦皇、漢

武皆務遠略而且不能奄有亞細亞一州西洋諸主皆能一統歐羅巴而往往及其外至歷山則殆且并吞歐羅利未亞細三洲雖後時英傑若路亞之伯多祿佛蘭西之那波列翁亦不能望其餘塵者何也曰彼之地曠而俗頑若翔禽走獸相逐於千里之野若有英雄生其間如鷓搏爵虎驅兔彷徨四顧而莫之能抗視者是歷山諸王之所以展肘於當時而無敢制者也使其出於漢土諸侯割據之地與路佛器械精巧

之日則其功殺矣由是觀之歷山諸主之至于此蓋亦幸耳然吾觀歷山之任賢才收士心與將卒同存亡而不避則其本領自正與列翁諸氏之以權譎機變相雄者不等乃知其業之成者亦宜矣非幸也

三千九百二年當崇神天皇五十二年帝某為邏馬所殺自

歷山閱八十餘年而亡

邏馬太祖儒略烏私加優沙兒其先出自雅別多子叱默兒叱默兒子亞私藝那斯始拓疆土子亞勒

滿稱王改國號曰亞勒瑪泥亞其後有邏謨略私
與弟列密略私戰克之奄有其境號邏馬蓋取其
名也子孫相繼閱二百四十年王室衰廢降為共
和國至儒略英武能戰降入爾馬泥亞瓦利亞是
班牙遂亡厄勒祭亞全有西洋號曰加儉沙兒猶
白皇帝在位五年殂諸臣共和內亂尋起八年殺
蒂圖斯立以其時當革命號為第一世帝凡罷鼻
落爾亞百兒西亞厄勒祭亞至邏馬世稱曰西洋
四大君

革命

教祖以三千九百四十七年當垂仁天生於如德亞
以其次年為革命元年諸國皆奉正朔不復更建
元初如德亞有女曰撒多私馬利牙年十六天神
夢告曰授卿以聖子遂無父而產焉是夜亞臘比
亞多兒蘇沙拔三國酋仰見星象知有聖人嶽降
物色之至如德亞見王問之曰吾不知也予苟得
之則必報矣三酋遂得見教祖母子天又戒勿使
如德亞知之如德亞怒其不報翌年舉國中二歲

兒殺之閱七年王遽卒教祖甫十二說法於阇兒
撒列摸聽徒五千人如德王瑟伊撒兒又疾其惑
人心收捕磔殺之經三日復蘇見母且說法四十
日遂白日昇天年三十三母亦從之弟子七十二
人入室者十二人離散諸方各以其所得教化人
十四年帝殺蒂圖斯殂義子低珀利占斯立是
爲二世帝遷都加布利亞三世帝加利岐占斯
復都邏馬以下帝系紀年不詳今姑闕之四世帝加撈師斯三
世姪性暗劣食毒菌殂五世帝涅羅四世養子

按西史諸書
十四世帝法
特里牙奴斯
能保守疆域
撫恤人民及
殂遺二賢臣

性嗜殺爲國人所殺六世帝噶爾把在位六月
遭弒七世帝賀路兵敗自殺八世帝霏的爾
魯斯戰敗投鎖珀河而殂九世帝歇斯巴努斯
盡心政務國稍治十世帝低圖斯九世子大殺
教徒遭弒十一世帝陀崙低亞努斯十世弟亦
弒十二世帝涅弗滑十三世帝答臘于奴斯
頗英明大拓土宇十四世帝法特里牙奴斯仁
弱諸部多叛十五世帝麻多奴斯在位二十三
年十六世帝麻爾屈斯在位十九年十七世

以為昭謀且其紹述著書之多先世無能及之者故終帝之世國又安後世稱之法特里牙奴斯時代以景仰其德願與本書異

帝哥母摸如斯在位十三年 十八世帝伯爾低納沽斯在位三月弒邦內大亂此時諸臣貪財至賣帝位 十九世帝弟如斯出資得位亦弒 二十世帝設歌魯斯在位十八年憂死 二十一世帝加刺加爾刺二十世子弒 二十二世帝麻爾利奴斯弒 二十三世帝歌里欲騰把里多孛童遭弒 二十四世帝阿歷山陀爾 二十五世帝麻孤夷母斯弒 二十六世帝蒂閉奴斯弒 二十七世帝域爾茅牙奴斯為罷里蒂斯所弒 二

十八世帝罷里蒂斯篡位五年伏誅 二十九世帝特師斯東伐趨天墮大澤殂 三十世帝噶爾魯斯弒 三十一世帝阨密利亞奴斯三十世子殺 三十二世帝夫滑勤利亞奴斯三十一世子代百爾西亞敗死 三十三世帝噶爾禮奴斯弒 三十四世帝加撈師斯在位二年 三十五世帝殺勒利亞奴斯誅平諸部擒扼日多女主在位五年弒 三十六世帝答吉都斯代趨天殂於軍 三十七世帝哺羅蒂斯在位七年弒 三十八

世帝孤魯斯代百爾西亞暴雷震殂。三十九世
 帝茅和孤勒鎖亞在位十八年，為大臣所廢，邦內
 大亂，六帝並立。四十世帝公斯瑞低斯在位三
 年。三百三年，當應神天皇三十四年，四十一世帝公斯瑞
 低摸英略絕倫，起兵恢復舊業，築城答刺西亞，曰
 公斯瑞低諾波爾，稱東都，改答刺西亞曰邏馬泥
 亞，又新邏馬，以舊邏馬稱西都。帝好學尚人材，母
 氏掀那又有賢名，后私涅爾必那美而木生太子
 契利斯蘇西，早卒，繼妣波烏稱俱生，三男一女，太

子延接名士，賢聲大著，繼妣喜其壯美，欲私之，太
 子不聽，繼妣恐事露，譖之，帝逐之，伊斯多利亞
 遂賜死，母氏疑冤，廉察左右，得事情以告，帝大悔
 恨，即殺繼妣。次子公斯瑞斯治厄勒祭亞及亞細
 亞三子，公斯瑞低治瓦利亞是班牙，及入爾馬泥
 亞，少子公斯瑞摸治意太里亞，厄入多諸國。三
 百三十七年，當仁德天皇二十五年，帝公斯瑞低奴摸殂，初
 帝有癩疾，醫皆欲殺衆兒，浴其血，帝不忍為也，天
 神告曰：見教師勿私的兒，請之則愈矣。帝親往請

之師以聖水灌頂，卽愈。聖水蓋教祖磔時血也。教祖弟子伯德祿私亦爲羅馬主所殺，而授業相傳者數世，往往不免國誅。三十四世至斯，奏是奇効，帝始大感悟，自避其居，奉之，執畚役營寺。爾後西洋諸州無不從其教者。

論曰：政教一也，使人信而誠從，使其懼而不能不從，謂之政。々與教歧，則非政也。亦非教也。堯舜命教於契，而命政於皋陶，欲其相助，而致人民於斯道也。豈若桀鑿之不相容哉。吾於是

怪于西洋之教焉。教祖旣忤國王之意，就磔刑。爾後門人相承，不免國誅三十餘世。是其教之與政相害久矣。奴摸一旦悅聖水灌頂之奇効，赦祖宗數世未赦之誅，推刑餘罪人于萬乘南面之上，自避帝都而奉之，何其惑也。自此而後，僧徒與天子比肩而立，國遂有二主矣。天子傳虛位而受僧徒之冊封，天子欲有焉，而仰僧徒之使令，天下人心寧叛天子，而不敢叛僧徒。自革命以來，千有餘年，羅馬黃祁持正統名義，而

衰廢瑣尾不絕如蠶紐不可謂非政教相岐之
罪而啓之者奴摸也奴摸長兵略始定三百餘
歲未定之亂功亦大矣然其致千有餘年帝業
不振之罪安足以相掩也後世英主斷然掃蕩
妖教而施日用彝倫之教使與政相維持則國
體振矣四大君之業再興

三百三十九年當仁德天皇二十七年公斯瑞摸與瑞低斯
爭立結兵瑞低斯敗死瑞摸卽位三百四十八
年當仁德天皇三十六年邏馬大臣瑪マクキナカ俱念知ウサカス烏斯弒帝自

立公斯瑞斯率東方諸兵討之連戰皆捷擒知烏
斯磔殺之告罪四方遂卽帝位三百五十四年
當仁德天皇四十二年帝瑞斯暴戾國人皆叛遂弒之立先
帝之姪利リ阨エ私シ奴ヌ斯ス帝英明禁西洋教後征百兒
西亞シヤ殂于軍三百七十五年當仁德天皇六十五年帝法
楞レ氏シ爾ニ亞ア努ヌ斯ス復西洋教
東帝三百九十四年當仁德天皇八十二年邏馬四十七世帝
殂遺命封長子亞爾噶アルカ師シ於東都曰東帝封次
子福那魯ホナロ斯ス於西都曰西帝自此邏馬ロマ分爲二國

四百二十年當元恭天入爾馬爾亞人拂郎哥
斯逐瓦利亞王法刺蒙鐸斯以奪其地改號佛蘭
西初竭爾答王其地後瓦利摸代有之更號加利
亞三千五百十四年是亞王瑪爾哥未魯斯與
妃甘勃刺來主此地併涅埕兒蘭土沙瓊泥亞諸
地世稱尼胡麻件言其能拓土宇也爾後至蒙鐸
斯二十五世乃亡拂郎哥斯嘗拓拂郎寇泥亞從
列應河略低利爾至此奄有佛蘭西子孫繼立儼
為王國四百七十六年當雄略天西帝羅莫魯

斯為其將阿杜亞設爾所滅西都至此十一世閱
八十二年而亡當武烈天諸國大亂沙
瓊泥亞人英吉爾摸取物斯法略魯別告地為王
亞兒皮翁地大亂諸部相爭英吉爾摸發兵平之
就王其地因號英吉利後分為英吉利亞思可齊
亞二國是時翁能王過利刺襲意太里亞捕其土
人移於亞度里亞海其人漸自經營遂成一強國
即勿搦祭亞是也當推古天撒爾瑪西
亞竊爾瑟里泥斯挾左道動惑人民遂奪入爾馬

爾亞博厄美亞諸國稱帝，又造異像，構巨殿，眩瞽
愚氓，邏馬帝不能制之。六百三十二年，當舒明天皇六年
年，馬哈默死於亞臘比亞，初哈默生於亞臘比亞，
默加家世護加巴神為邑名族，哈默欲建一家法
門，既學佛教，又窺西洋諸教，混集成己說，著書數
十部，默加主斥其妖妄，將戮之，哈默逃於洞窟，至
把奴多列布，歸嚮漸眾，乃屬其徒曰：為吾徒，宜征
伐不從教者，遂拔默加併亞臘比亞全州及止里
一部，不從者脫刃逼之，平素淫逸自縱，而禁人邪

淫曰己，則天縱之聖，無不可也，其所說專以自修
清潔齋素奉祀為主，而其業自施貧始焉，又曰生
天堂者，日夜歡樂，美姝薦枕席，或與佳果芳饌，其
怪誕不經多，此類然，其教蔓延至與西洋教相比
論曰：天下有四大教，曰儒也，佛也，西洋也，回回
也，儒固勿論已，西洋有天堂地獄之說，是亦恰
佛之糟粕耳，至回教則曰：天堂歡樂，極衽席情
欲，其鄙俚猥褻，可謂道降于尿管矣，且其不從
教者，白刃逼之，遂至奪亞臘比亞一部，則意不

在教而在奪國也是與斗米風角諸賊之唱妖術而事寇攘者何擇焉獨怪都爾格崇信其教舉國奉其紀元而國勢强大獨與西洋諸國相抗而不屈何哉蓋其暴戾剛愎之教與政俗相得而有助也亦可謂不龜手之藥得封於都爾格矣

七百年當文武天皇四年波羅泥亞人加臘哥斯有英略開拓土宇築城於勿乙吉設爾河上稱加臘哥斯島永為波羅泥亞都府 七百二十六年當聖武天皇神

龜三佛蘭西王加列爾瑪爾的兒與利未亞戰於鞞爾斯殺三十七萬人 七百五十四年當孝謙天皇天平勝寶略亞始祖羅里幾起於諾波羅得有二弟仲曰西那模那主白海數洲季曰多魯伊阿兒主普羅斯哥島皆俊傑也胥共同志降傍近諸酋大開國土初雅別多第八子魯肅斯拓此地爾後久歷年所土疆割裂沿革不一故以羅里幾為祖羅里幾卒伊吾兒幼襲位國族阿列俱輔佐之 黃初八百年當桓武天皇延曆二十年佛蘭西王加列兒起兵征

討諸國爲主，攻沙瑣泥亞，擒其首，毀淫祠一萬餘。更置古聖賢祠，庶遂受教皇命，爲羅馬西帝建都。於黃祁命曰：勿能是爲拂郎察氏。初，阿杜亞設爾據西都，更曰意大利亞，改爵曰王。八傳五十餘年，爲亞爾排孛斯所滅。亞爾排亦稱意大利亞。三十一傳二百五十年，爲加列兒所滅，復爲帝國。八百六十三年，當清和天皇加列兒孫帝羅德律古一世，其子弟德律吉始都於拂里斯蘭土，受侯爵統轄和蘭諸州。在位三十七年卒。初，和蘭有葛天

者，入爾馬爾亞人，往來海上，捕魚爲業，遂主此地。始屬是班牙，後屬羅馬，併有沿革諸地，號拔答非亞。既併亞，既利烏斯奄蒲鄧有之。其後酋長相代至此也。九百十八年，當醍醐天皇西帝渾喇斯殂，利孤斯王騫的律吉入繼國統，改爵稱王。是爲利孤利氏。九百三十七年，當朱雀天皇黃祁王屋多受教皇命，復稱帝。九百五十一年，當村上天皇曆五，啞亞稱女主阿爾加，曰伊馬古波利斯，謂其德光明猶日照四方也。初，伊吾兒與厄勒祭亞的

并持同年四
字恐對持一
年誤

里宇利雅摸戰死妃阿爾加襲位興兵復讐軍令
嚴肅士卒皆精強宇利雅摸大恐奉金帛請和不
聽愈進兵宇利雅摸質送兵二十人以謝女主斬
之更責償罪又送五十人亦斬之叔持同年後為
供糧食者買鴿於數邑乃繫鴿以火毬放之鴿奮
飛火即發鼓兵乘之殺獲頗眾遂許和而罷國人
稱其功遂有此號 九百八十一年當圓融天皇
元年
西帝屋多三世立甫三歲母后稱制 九百九十
六年當一條天皇
長德二年 帝屋多三世始親政大仰教徒

一千年當一條天皇
長保二年 嚙亞主阿魯多密兒受厄
勒察亞教自號把西里烏私先是女主卒子私窪
低攻奪厄勒察亞諸色孤里私遣人刺之漆頭為
飲器刻銘辱之子厄魯立猜忌兄弟擠墮仲於河
橋季出走其臣弒厄魯迎季立之阿魯多是也阿
魯多奢靡淫荒侍妾有數百人然其威力能畏服
隣邦而嚙亞崇信法教者亦自是始矣先是英吉
利多狼害於是王命獲勒斯侯代歲貢以獻狼三
百頭狼害乃息 一千九年當一條天皇
寬弘六年 是班牙

屬將波爾卧尼首汾利孤斯性驍勇攻巴爾巴里亞奪地數里是班牙王亞兒豐肅斯第四世大賞其功以女德列西亞妻之與封土以為侯或云此九十三年併錄存疑一千二十四年當一條天皇西帝騫的律吉二世殂渾刺師斯二世自佛蘭西入繼國統是為渾刺鐸氏一千二十六年當後一條天皇弟那瑪爾加王加爾都斯勇武善戰國勢大振出兵四略併有雪際亞諾爾勿入亞英吉利諾爾滿弟亞諸國王先出自諾厄始祖名蕩又太泥烏斯

始拓其地號曰太尼亞國子孫皆崇邪神好戰爭至厄律吉大治國政弟法刺兒土好學教化國人於是制度文物斐然可觀及加爾都斯將卒遺言使長子王弟那瑪爾加次子王英吉利少子王諾爾勿入亞一千五十六年當後冷泉天皇西帝騫的律吉與教皇戰于加洛斯大敗徒跣乞哀三晝夜會援軍大至始得和親一千五十八年當後冷泉天皇普刺安的連酋長起兵入東都一千百三十七年當崇德天皇西帝囉答蠡烏斯殂渾刺

鐸氏三世自圖亞騫入繼國統始制軍艦是爲圖亞騫氏一千百三十九年當崇德天皇保延五年是班牙亞兒豐肅斯四世子襲稱亞兒豐肅斯最勇傑遂破巴里亞五部奪其地更進併蒲萄牙稱王立制度子孫襲之是爲蒲萄牙亞兒豐肅斯一世王一千百六十一年當二條天皇應保元年西帝夫勒的律吉爲教皇所廢一千百七十八年當高倉天皇治承二年東帝喻萬喻烏爾殂太子庵吉私烏斯十歲立大臣庵多魯吉斯有篡奪志讒陷老成遂自執政柄

一千百八十年當高倉天皇治承四年庵多魯吉斯執母后制里那加誣罪溺之海遂縊少主投尸於海少主在位二年魯吉斯自僭稱帝國人不服爭亂從生泥設普佛里古西亞二國舉兵討之魯吉斯擊破之擒殺其主帝族有伊佐肅斯加列兒卧羅多庶孫也以其有才故魯吉斯欲殺之肅斯避海濱久之見諸國愈亂遂倡義兵取際波里斯據之傳檄鳴魯吉斯弒逆之罪魯吉斯大怒捕其兄弟在東都者悉戮之乃發兵與戰先是諸道義兵蜂起西

齊里亞王亦大舉快復邏馬遂相會祭天祈之天神告曰九月十四日凶賊伏誅諸軍奮躍迎肅斯爲主城中訛言日興人心大動魯吉斯斬訛言者鎮之不能制九月十二日肅斯兵入城々兵歡呼迎降縛魯吉斯送之肅斯大撫人心十四日斬魯吉斯於街衢見者快之於是教皇告之大腐使肅斯卽東帝位一千二百三十九年當四條天皇延應元年禮勿泥亞起兵入璐亞國都璐亞主熱阿爾肅斯死之先是璐亞數世間兄弟叔姪內相爭噬韃韃

禮勿泥亞乘之東西侵伐國勢削弱極矣一千二百四十二年當後嵯峨天皇寬元二年璐亞主阿歷山德兒出兵收禮勿泥亞侵地於是主陞王爵一千二百八十年當後宇多天皇弘安三年和蘭有洪水人衆溺死兵亂尋起閱歲不定一千二百八十二年當後宇多天皇弘安五年那波里西齊里亞二國人作亂盡殺佛蘭西官吏在其國者初千二百年間諾兒滿弟氏爲二國主子孫相繼至微爾檢三世卒唯有一女嫁黃祁帝故遺命傳國於黃祁教皇不欲黃人居傍近

更命佛蘭西王子加列兒取之黃邠出兵來攻敗
衄二國遂屬佛蘭西而國政過暴民怨日積於是
又叛而歸是班牙是歲英吉利王粵需亞爾度一
世擊獲勒斯併之土民不服王設計送妃居之妃
已妊乃產於獲斯為太子封邑一千二百九十
二年當伏見天皇都爾格阿多滿起初都爾格祖
百翁波加住地中海擁眾自固乘亂掠奪近邑遂
併加臘瑪泥亞數郡王之子孫相繼練武儲財數
十年併那多里亞故國號稱都爾格其孫阿多魯

瓦歷兒生阿多滿天資雄豪遂取加臘瑪泥亞築
城於乙哥尼印稱阿多滿泥設波兒的一千三
百年當後伏見天皇阿多滿出兵奪塞拔斯答國黃
邠遣將代之不克而返又命諸侯三伐之皆無利
都爾格進取北高海諸國及小韃靼海島一千
三百九年當花園天皇西帝瑪爾歇兒多遭弒騫
的律吉七世自魯殲蒲爾屈入繼國統是為魯殲
蒲屈氏一千三百十一年當花園天皇西帝騫
約律吉七世遭弒以後空位三十餘年一千三

洋外通覽
二下有十五
二字

百二十年當後醍醐天皇元亨元年羅馬僧官拔爾獨兒度發明火技是為火砲之原始一千三百二年當後醍醐天皇正阿多滿殂在位二十八年子阿兒加念斯立國勢愈張併奪利亞未亞魯亞諸地凡八十六國一千三百四十六年當後村上天皇正平元年佛蘭西人經亞太臘海至為匿何國建置商館以通互市初羅馬帝烏普孤斯命學士撰諸國地志後百年學士普利奴斯著天文地理人物風土諸志又五十年厄入多學士普多羅白斯著天文志及萬國圖

說為西洋測地之鼻祖爾後推天度辨鍼路日以明晰至此航海愈廣一千三百六十年當後村上天皇正平十都爾格王鴉密刺多始居歐羅巴地一千三百七十四年當長慶天皇文中三年喀亞主的默多里烏私為西韃靼所掩擊去國都莫私哥窪別構城寨防之中流矢卒次子拔止里烏私嗣一千三百七十八年當後龜山天皇天授四年拔止里烏私用心軍國事務國勢復興及卒有遺服子諸臣疑其非王子遂立其弟熱阿爾藝一千三百八十六年當後

龜山天皇都爾格王把牙設多併馬則多泥亞挽
元中六年 雅諸國一千三百九十九年當後小松天皇應永六年 葡萄
 牙人瓦瑪製大船經喜望峰至印度通市蓋撒刺
 滿之後西洋通印度者是為始越六年至為匿何
 海中聖多默島營城據之以為經畧東南之根基
 莫臥兒一千四百年當後小松天皇應永七年 莫臥兒帝答墨兒
 郎起兵攻印度帝撒馬兒罕人元太祖裔也性最
 驍傑所進無敵於是印度王舉兵五十萬馬十五
 萬象二百每象架大銃十門兵二十人出拒之遂

敗績為所擒五印度皆為其所有諸臣上帝號遂
 破都爾格威名震歐羅巴一千四百二年當後小松
天皇應永九年 都爾格攻東都東帝大潰諸侯疲於奔命
 無能防者一千四百年當後小松天皇應永十一年 莫臥
 兒帝答墨兒蘭殂子某立國勢大衰為隣國所侵
 唯有北印度一部一千四百二十年當稱光天
七年 葡萄牙人鐸若安梳爾撒爾別斯及低利斯太
 諾巴亞斯始航西洋海拓波爾贊托瑪埤斯二島
 二島在本國西七十八十里地最肥沃產葡萄酒絕

美置守令治之。後三四年，是班牙人又拓福島。福島在島之南，壤最沃，產金、銀、葡萄酒、白砂糖諸種。爾後航西北者，必來購舟中所給之物，富冠諸島。故號福島。一千四百二十九年，當花園天皇永享元年，英吉利攻佛蘭西，有女子阿爾勒倫斯救之力，鬪為英人擒獲，即遭焚殺。佛人憫其致死於國事，刻像於羅乙列河橋上。一千四百三十四年，當後花園天皇永享六年，西帝鴉珀爾多併有挽雅，是為華蒲斯富爾屈氏。一千四百四十年，當後花園天皇永享十二年，葡萄牙

人通商于米利幹之白峯及亞爾烏泥亞。一千四百四十四年，當後花園天皇皇文安四年，都爾格王擒殺挽雅王及其兵三萬，初挽雅王約和而叛，都爾格攻之，不利，大怒，祈天曰：吾必罰洋教之偽誓矣。遂有此舉。一千四百四十七年，當後花園天皇皇文安四年，葡萄牙人又至為匿何之綠峯及獅山，置商館，又建僧院。國王以下皆從其教，遂略皮沙孤斯諸島，築城治之。都爾格一千四百五十三年，當後花園天皇皇享德二年，都爾格王馬哈默二世攻陷邏馬東都，初王圍都久而不拔。

欲棄去，一夜城上有光墮地，占者曰：羅馬天命盡矣。王乃鼓兵而進，下令曰：為將者先登，必賜大郡。下卒則聽，掠奪從意者。三日城遂陷，東帝為亂兵所害。閱七十六世，一千五十八年而亡。於是都爾格據有東都，遂自稱帝。凡所滅帝國三，王國十二，帝國東帝及的勒比斯，厄日多是也。其疆界亘歐邏巴，而所奉馬哈默教，不與洋教相容，故儼然獨立，不與諸國會盟。闔國必以哈默逃難於默加為元年，不復用西洋紀元。一千四百七十年，當後土御

門天皇文是班牙王汾利塢卒無子，其妹嘗嫁於明二年曷刺甕王伯爾低喃德，故屬地於南德。是歲略亞王若望涅私攻取諾波羅，得復其奪於里都亞尼亞也。涅私為拔止里烏，私二世子初熱阿爾藝有二子，從者皆欲立之，裝作賈人狀，車藏戎器入宮而發。二世避難於寺觀，賊捕之，刮其眼，將迎立。二子在廷，諸臣會議防之，遂擁立涅私。涅私專心國務，不肯事遠略，遠聲色，脩隣好，國人懷服。一千四百七十七年，當後土御門天皇和蘭主加列兒斯

多烏的與佛蘭西戰敗走死于羅德林堡其女嫁於黃祁公子瑪吉悉米利安生子皮利皮烏斯故舉和蘭十七州為黃祁管轄一千四百八十四年當後土御門天皇文明十六年葡萄牙王若望涅斯二世命甲比丹牙工加奴斯至利未亞二鄂地在黑地比亞海峽東連亞昆心域南至馬弁莫太比暨為匿何分為大六部土人愚駭不知鬼神為何物地太饒產金銀五穀大象牙工加關草萊營府城於路暗太聖寶路以置守令僧官又遣僧往王都聖沙爾

鄂恐部誤

花杜爾誘之 一千四百八十六年當後土御門天皇文明十八年黃祁米利安即帝位命非利皮烏斯王波爾臥泥亞皮烏斯娶是班牙王歌爾弟喃鐸女生二子長加列兒次歌爾弟喃多加列兒繼是班牙王後為米利安嗣帝黃祁是為加列兒五世在位三十年殂弟歌爾弟喃多襲帝位使子非里皮烏斯王是班牙兼治和蘭既而是班牙所置官吏挾私不公國人不服爭戰從起一千四百九十八年當後土御門天皇明應七年莫臥兒帝法百兒併中西北三印度

都亞瓦刺中興祖業或云法百兒中興在一千

五百六年當後拓原天是班牙船將閣龍始拓米

利幹閣龍意太里亞熱弩亞人幼以航海為志近

隣海路無不諸歷者嘗自奮曰天地之大何以疆

域限今東方既開拓無餘所未晰者西方耳欲大

航西海鑿混沌患資料之不給請於本土政府不

報至英吉利亦不用至是班牙王妃伊佐別爾羅

善其策與一萬六千金給之解纜於波羅私港西

航者三十四日天水淼茫無復見寸壤舟人恚曰

至三日不得國土必投汝于海閣龍命屬吏上檣

極覽忽見人烟呼報之眾羅拜果得一島是為聖

撒爾把德兒又南進得波伊低島後往來其間者

數年遂得米利幹全州一千五百十年當後拓

永正七年葡萄牙人抵臥亞建商館與島人相貿遷遂

據之是為西洋據印度之始先是葡萄牙人巴斯

屈加麻航亞細亞南洋作圖說以獻王按圖檢視

知忽魯摸斯為諸島襟喉之地遣使結好不聽至

是命水軍都督亞爾賴的兒屈發大艦十二隻伐


之一戰大克使人謂曰我求互市耳若能和則收
兵而退亦不聽聯艦爲浮橋過絕港口又以火輪
火筏禦之葡萄牙船大且堅一時叢發浮橋粉齏
王大怕乞降獻歲幣爲屬國又欲取滿刺加致厚
貺置榷場於都遣教僧誘導國人大施恩惠闔國
悅服遽舉兵襲都城王恇駭不知所爲率妃嬪世
子逃入山中死竟取其國一千五百十一年當
栢原天皇葡萄牙亞米利屈氏慕閣龍功業亦航
海抵米利幹南部得爾刺比爾馬墾拓頗廣後人

稱全州爲米利幹實取其名也一千五百十二
年當後栢原天皇都爾格帝把多設二世遭廢阨日
多乘釁而叛帝子霏莫立親征阨日多取之

2
160

天香樓

2
160



天香樓叢書

2
161

003743-001-4

2-160

蕃史

齋藤 馨/著

上

M15

ACD-0422

